

INFO SUKAN

**EDISI NOVEMBER
DISEMBER 2019**

03-9769 1351/1288  www.i-sukan.upm.edu.my  Pusat Sukan UPM  Instagram/upmsports  UPM SPORTS CHANNEL <https://www.youtube.com/channel>

KONTINJEN UPM NAIB JUARA KEJOHANAN HESF 2019

Kontinjen UPM telah menyertai Kejohanan *Higher Education Sports Fest (HESF)* 2019 yang telah diadakan di Universiti Teknikal Malaysia Melaka (UTeM) pada 28 Oktober - 2 November 2019. Kontinjen UPM telah dino-batkan sebagai Naib Juara keseluruhan dengan pungutan 19 pingat iaitu 9 emas, 8 perak dan 2 gangsa. Kontinjen UPM telah diberisi oleh 68 orang atlet dan 12 orang pegawai pasukan melalui penyertaan pasukan Ping Pong, Renang, Berbasikal, Bola Keranjang "3 on 3", Bola Tampar dan Petanque.



SPORTS COLLABORATION PROGRAM 2019

Pusat Sukan UPM telah menerima pelawat daripada *Kitakyushu University*, Jepun pada 4-9 November 2019. Delegasi daripada *Kitakyushu University* ini melibatkan 32 orang pelajar dan 7 orang pegawai. Tujuan utama lawatan tersebut diadakan adalah bagi merapatkan siliturahim antara kedua-dua universiti dan juga sebagai medium bagi pelajar-pelajar daripada *Kitakyushu University* untuk merasai kehidupan persekitaran dan akademik di UPM. Selain itu, pelajar-pelajar *Kitakyushu University* yang merupakan atlet Besbol telah menyertai perlawanan persahabatan Besbol bersama pasukan Besbol UPM, pasukan Besbol Malaysia (BFM) dan pasukan Besbol *Sunway Grizzlies* daripada Sunway University.



KEPUTUSAN KESELURUHAN KEJOHANAN SUKAN KOLEJ UPM SEMESTER 1, SESI 2019/2020

Keputusan mengikut acara

Sukan	Kategori Lelaki		Kategori Wanita	
	Johan	N. Johan	Johan	N. Johan
Badminton	KTDI (A)	KOSASS (A)	K17	KTDI B
Merentas Kampus	K10	KTDI	K17	K10
Futsal	KTDI (A)	KPZ B	KPZ (A)	KTDI (A)
Lari Berganti-Ganti Jalanraya	KTDI	K10	KTDI	K17
Skuasy	K10	KTDI (B)	KTDI (B)	K13
Sofbol	K13	K10	KPZ (A)	KOSASS (A)
Tenpin Boling	KC A	KOSASS (A)	KC (A)	K17
Ragbi 15's	KOSASS (B)	K13 (B)		
Ping Pong	KPZ (A)	KTDI (B)	KC (B)	K10
Memanah	K10	KTDI	KTDI	KOSASS
Golf	K10 A	K12 A	K12 A	KPZ (B)
Olahraga	KTDI	KC	KC	KTDI
Hoki Wanita			KC (A)	KC (B)

Kutipan Mata & Kedudukan Kolej

Kategori Lelaki		Kategori Wanita		
Ked.	Kolej	Mata	Kolej	Mata
1	KTDI	69	KC	64
2	K10	54	KTDI	60
3	KOSASS	53	KPZ	46
4	KPZ	41	K17	41
5	K13	38	KOSASS	40
6	KC	35	K12	29
7	K12	27	K10	28
8	K17	23	K13	23
9	K14	16	K14	20



JURULATIH BESBOL KELAB PROFESIONAL JEPUN KONGSI KEPAKARAN DI UPM

UPM terus giat dalam membangunkan sukan Besbol di IPT ini khususnya dan di negara amnya. Pada 16-19 November 2019, Pusat Sukan UPM telah menjemput jurulatih pasukan Besbol profesional kelab Yomiuri Giants, Jepun bagi berkongsi kepakaran dalam program kejurulatihan sukan Besbol. Pusat Sukan UPM telah mengadakan beberapa program berkaitan bagi mengisi peluang yang hadir tersebut. Antara program yang diadakan ialah sesi kejurulatihan Besbol untuk pasukan UPM, penganjuran klinik Besbol bagi sekolah di sekitar UPM serta tidak ketinggalan penyertaan pasukan Besbol negara yang turut serta untuk mendapatkan ilmu dan idea dalam memajukan lagi mutu permainan sukan Besbol di Malaysia.



Kosuke Naruse
Jurulatih Profesional
Kelab Besbol
Yomiuri Giants,
Jepun



GIANTS ACADEMY



PASUKAN HOKI UPM KEKALKAN KEJUARAAN

Pasukan Hoki Lelaki dan Wanita UPM mengekalkan status sebagai juara setelah berjaya merangkul kejuaraan sempena Karnival Sukan Hoki MASUM 2019 yang telah diadakan di Stadium Hoki USM Pulau Pinang bermula pada 23-28 November 2019. Pada perlawanan akhir kejohanan tersebut, pasukan Hoki Wanita telah mengalahkan pasukan Hoki daripada UiTM dengan jaringan 3-0 manakala pasukan Hoki Lelaki UPM pula berjaya menewaskan pasukan daripada UKM dengan jaringan 4-3.



UPM SERDANG ANGELS TIMBA PENGALAMAN DI JEPUN



Pasukan Ragbi UPM Serdang Angels telah mengadakan program mobiliti ke negara Jepun pada 27 November hingga 2 Disember 2019. Program ini diadakan bagi memberi peluang kepada atlet Ragbi UPM untuk menambah ilmu pengetahuan tentang pembangunan sukan Ragbi. Dalam program mobiliti tersebut, pelbagai pengisian telah diadakan seperti sesi latihan dan perlawanan persahabatan bersama pasukan *Rissho University Rugby Football Club* dan *Kumagaya Rugby Football Club*. Selain itu, pasukan Ragbi UPM juga berpeluang menyertai klinik *Tag Rugby* di *Kumagaya Agriculture High School* serta turut berkesempatan mengadakan lawatan ke salah satu venue (stadium) Ragbi Piala Dunia 2019 di Kumagaya.

ATLET UPM DI SEA GAMES 2019, FILIPINA

Seramai 34 orang atlet UPM telah mewakili kontinjen Malaysia ke temasya sukan dwitahunan Asia Tenggara, SEA Games 2019 yang diadakan pada 30 November hingga 11 Disember 2019 di Filipina. Sempena temasya kejohanan tersebut, atlet UPM telah menyumbang sebanyak 9.78% (5 emas, 7 perak dan 6 gangsa) daripada pungutan pingat yang telah dirangkul oleh kontinjen negara (55 emas, 58 perak, 71 gangsa). Berikut adalah antara atlet-atlet UPM yang mewakili negara dalam kejohanan tersebut.



*Info lanjut bagi mengetahui pencapaian dan program Pusat Sukan bagi bulan November dan Disember 2019, bolah layari facebook **Pusat Sukan UPM**.